

句曲外史貞居先生詩集

蘇平州

知學

PDG

貞居先生詩集序

陶弘景在齊梁嘗掛冠居句曲山自號華陽隱居性雅淡葢山水每經澗谷必吟詠取桓衣喜著書賦詩旁通陰陽醫藥山術朝廷屢徵不起世已高尚稱之後七百餘年當元盛嘗貞居已

儒者抽簪人道自錢塘來勾曲
負逸才英氣已詩著名格調清
麗句語新奇可謂詩家出傑出
者也當是皆已詩文名垂者若
趙松雪虞道園范德機楊仲宏
諸君子已英瑋之姿凌跨一代
諧鳴于館閣之上而流風餘韻

播諸公壑之間貞居已豪邁之
氣超然自得獨喝于公壑之間
而清聲雅調聞諸館閣之上諸
君子亦嘗與其唱酬往還雖出
處不同而同爲詞章之宗匠譬
如軒輊詎知其孰先而孰後耶
矧貞居博學多聞襟衷蕭洒故

大夫士多景慕而樂道之也夫
隱居貞居皆由先後好尚問學
侶未可已同曰語然隱居之清
風高節貞居之雅度逸才大可
謂前春而後應豈非勾曲山清
爽之氣鍾秀於二子歟呂吾夫
子中庸之道脩己治人之學全

聲玉振之文昭著于天墜使其
學道而望洙泗之科猶未易量
也至若奔競功名蹀躞聲利醉
生夢死不自覺者則二子之風
度將追嚴子陵陸脩靜之武歟
易曰平事王侯高尚其事二子
其庶幾乎貞居張姓雨名伯雨

字貞居其自號勾曲外史
稱之也吳郡徐達左序



句曲外史貞居先生詩集卷之一



吳郡海昌張雨伯雨撰

江浙鄉貢進士姪誼編類

吳郡徐達左校正

辭潭上行吟觀潭中樹影

壑流洳兮若媚景內澈兮下孰為地惚馮虛兮轉煩
恍臨深兮校墜群木倒植兮雲薄其外雲乘颺兮羣
木皆曳使子極冥々而下視兮審蒼々兮若是

題黃子久畫

大山坳兮矗立浮雲靡兮上征幽人居兮泉縈澗絡

玉趾傷兮木縱石橫

銘 劍石銘

石在景隆觀長踰尋廣不及尺黝

碧如鉄鐔鐔具焉予作銘未幾夜半有力者負去

鍊質鴻蒙挺鋒截障正一之氣弗壅弗遏星精內孕
玉理傍達瑩謝鵜膏書存紅沫倚天卓地排氛鎮魃
坻茲神宮善建不拔

梔竹杖銘

上 梔竹江心古所尚採作仙人玉節杖挾尔飛行九霄

白雲窓銘

衆山皆空一室且虛以空合虛白雲收居假吾身之
戶牖為元氣之道途無之為用蓋聖人所不能逾況
居室乎

四言

春雨謠效謝靈運善哉行仍依韻

南山殷雷靈雨辰落漑々湍瀨翳々林薄惠我霑足
忘彼離索北谷虛受游氛汎卻嵌巖篁鼓隰隴謳詭
脉潤纖茨溜搏餘萼載歌停雲懷人於鑠柴桑邀矣
觴至獨酌亦勞尔耕飲和祛瘴勗哉老農同憂同樂

分題山水幀

入山種樹其葉紛披迨予還山樹禿無枝戕于斧斤
人得衛之寒暑之戕予其早衰

琴賢為濱洲葉則善作先是薛外史贊綰書
大字類顏光祿體則善復命僕次韻配之

石上之枯玉質粹美徽絃琴戔亂以松水擬操白雪
強名綠綺大音希聲無隱乎尔

摘阮圖

長松結陰芳草如莽丘中微吟有天際想彼阮者咸
鼓我撫掌一鳥不鳴衆山皆響

畫水仙花

取石為友得水能仙金相玉質林下蕭然

樂琴書齋

蕭齋何有有琴有書佩陶之言亦陶之徒

攬鏡

適然覽鏡我在其中當其無我馮此頑銅分形攝受
我在何處火熾金鎔何以回互所見者光孰者為鏡
見光為土所以病々我持寸鐵不磨不瑩縱橫三界
物々照映

黃子久小幅山水

一丘桓、曲折餘地石瀨濺、林薄翳、待仙有樓
忘歸有臺雞犬相聞不相往來游神其間歛形如豆
邈不可追隱入岩岫

書屏

山澤大寒朝氣上游淥波如雲孤嶼欲浮

五言古詩

玄洲精舍

吾愛柴桑言所居何必廣況此金鄉室寸地皆福壤
岩栖晚更幽微雪帶林莽風生獨獸蹏山空衆泉響
有聞唯寂音無媿即純想昔賢非樂此澹泊欲誰賞

獨游天信菴

獨行寒澗底蕭條濕霜露驚麝突人來躍入青蘿去
落木深已腐亂石割芒屨我見康莊衢隘於林下路
建蘭一枝浸菖蒲盆洗中宜若從類

美人折芳馨意重蒼玉玦把玩何以滋罍罌非所褻
席間樹昌蒲泓然一螺雪倚蘭與之俱光景相洞徹
廼若離羣居濯足以自潔又如服食士俛首尋九節
振以冷風清食以寒泉冽秋菰雖云冷寧洗肝肺熱
養目良區々出門芳草歇

四月旦舟抵錢源不數武出長塘湖水涸不

能進是夕大雨明旦絕湖入白石瀆四十里
即薛步

閣舟菰蘆溘夜雨來如期水生天未白拔施入渺渺
縠裙初頽面螺黛新刷眉盛我大珠中獨與蛟人嬉
使昔衝暝過幾用失此竒意行每如此動靜寧容私
僧號月潮自金陵來乞詩

陰精赭玄水中黃溢金樞高深感盈縮在理信方諸
氣機應辰至崩然衆壑虛十芒躍風輪不墜亦不濡
鰲波激瀕洞華耀寂以舒靈潤閱終古流明施八區
彼美西方人頽仰誠有餘

獨酌

靜極忽不愜掩書曝前軒榮木樊四維時禽托孤園
羣物方超功吾衰恒晏然本乏超世才偶脫區中緣
妙理寄濁醪嘉名愛灵山從吾所好耳富貴須何年
己巳歲饑乞米

故人念我飢貸粟仍借車歸來荒山道不敢嗟馳駘
升斗乞東家西鄰餅甑虛前車得傾筐後車已無餘
餓殍滿中野搯拏將何如

玉蕈

山間采三秀尚之以瓊英明麗漸水芝豐腴謝山精

濯以玉色醪，
毛以玉糝羹。
即此夜光草，
服食當眼明。
韓子自屈強，
但取木雞烹。

讀五代書

五閨持旦暮，
各有忠義死。
寧表雲叟輩，
實誅長樂子。
獨行非激矯，
僅足以遠耻。
明々避俗心，
堂々報知己。

寄虞侍講有序

伏讀遠祖季鷹雜詩有云，
榮與壯俱去，
賤與老相尋，
壯固去矣，
而榮非所慕，
賤且老非山林之真也。
聊韻五言五章寄上。

擊舟昔行遽，
阻奉閭門宴。
一由山世闊，
幾玩霜暑變。